


ВЛКСМ-нь Мордовский
обкомъ и Саранскийнь
горкомъ газетаснаАдресъ: г. Саранск, Советская ул.,
Дом печати, Телефон № 1—80.

ПИТНЕЦ 5 тр.



ЛИСЕНДИ КОВТИ 12-ксть



Комсомолюнь ВАЙГЯЛЬ

Вооружить велень учительхненъ марксистско-ленинский революционной теорияса

„ВКП(б)-ть историянь Краткой курсо“ и партийнай пропагандать ладяманц колга ВКП(б)-нь ЦК-ть постановленияц воодушевили марнек советский интеллигенцияц марксистско-ленинский революционной теорияса вооружиндама-ти.

Сянь инкса, штоба улемс сембе ширде хозяйственной и политический работаса полноценнай работникокс,—эряви систематически тонафнемс большевистский партияц историянь, конац панчси оцю перспективат эрь кизефксть сембе ширде правильнайста шарьхкодеманцы и разрешандаманцы.

Аш месть корхтамска, што тя сембе науканъ замечательнай энциклопедиясь сембе передовой человечествати ащи фкя инъ основной духовнай пищахс. Тянка и листа-шис касы сондейнза спрось.

Велень учительхне, конат кандыхть марнек народть инголе пях ответственнай и почетнай задача—иттнень коммунизманъ духса воспитанияса, систематически и пях кропотливыйста тонафнихть Краткой курсъ.

Вов, например, Пятинцев ялгась, работамок Горский средний школаса преподавателькс (Игнатовский район), марнек аделазе „ВКП(б)-ть историянь Краткой курсо“ самостоятельна тонафнеманц и проработал Ленинонъ произведенийзон: „Что такое „друзья народа“ и как они воюют против социал-демократов“, „Шаг вперед и два шага назад“, „Что делать“ и стактов.

Тяфтама учителя, конат 1-це звенать коряс аделазь партияц историянь тонафнеманц, Мордовский республикаса аф кржа. Вов, например, Егоров ялгась—Арда-товский райононъ Вольвовский средний школанъ преподавательсь, Мурсалимов ялгась—Рыбкинень районца Усть Рахмановский средний школанъ преподавательсь и дият.


„ВКП(б)-ть историянь Краткой курсо“ лисемода меле йотасть 2 кизот. И ня кафта кизотия няф-тезь, конашкава кась минь народнай учительхнонь политический знаниянь уровеньна.

Однако, улель ба пях аф виде, кда мярьгомс, што революционной теорияц тонафнемаса аш аф сатыкст. Лама нинге велень учительхть эсь политический знания-нон касфтомаса работайхть пях аф сатомшка. Сянь ссылагдайхть сянь лангс, што аш пинге. Тя йофси аф виде.

Тяфта, например, Мельцанский райононъ С.-Федоровканъ школаста учительхне Краткой курсти ашесть кярмьоткшне. Тяфта ащи тевсь Лямбирский райононъ Кривозериянь НСШ-са, учительхне тяфтамса партияц историянь йофси аф тонафнесазь.

И, кода результат, ня школатнень эса пях калдыв успеваемость, посещаемость и дисциплинась.

Сянь инкса, штоба школатнень эса сядонга цебарьгофтомс массово-воспитательнай работат, эряви систематически тонафнемс партияц историянь.



Саранск ошень телефоннай станциянь телефонисткась А. И. Самылкина ялгась тиненди частти 450 соединения.
СНИМКАСА: А. Самылкинась работама пингста.

Фотось А. Канифатьевть.

ПРЕДОКТЯБРЬСКИЙ СОРЕВНОВАНИЯСЬ

Комсомолецне—предоктябрьский соревнованиянь организаторхт

Лашминский спиртозаводонъ комсомольский организацияса лувондови 15 член. Отчетно-выборнай комсомольский собранияда меле сембе сянь, кода фкя, сувасть предоктябрьский соревнованияс и организовгли тя тевть аф союзнай од ломаттнень и рабочайхненъ йоткса.

Йотай кизотъ комсомолецне соревновандакшнесть аныцек эсь йотковасть. Тяни, обсуждандамокс кизефксть, комсомолецне решили заключить содоговорхт аф союзнай и аф партийнай рабочайхненъ мархта. Тяфта, например, стахановкась комсомолкась Е. Серова ялгась соревновандай аф комсомолецть-аппаратчикть Акимовть мархта, комсомолецъ химикъ А. Шикунонъ ялгась—теплотехникъ Миситинть мархта, комсомолецъ-дробильщикъ Коршуновъ—бардильщикъ Бикетовъ мархта, машинистъ-комсомолецъ Шалтыковъ соревновандай афсоюзнай од ломанть-машинистъ Кошелевть мархта.

Соревнованиянь тяфтама методсь лездсь йотафтомс работанъ стахановский метоттнень марнек сембе рабочайхненъ йоткса, мезень вельде заводсь работанъ сентябрьский планонц пяхкодезе 102,3 процентс.

Производственной работада баш-

ка, заводонъ комсомолецне лувондохихть инъ активнай общественикокс. Сянь вийсон мархта клубса организовандафт драматический и хоровой кружокт, конат тяни, тяфта жа деятельна аноклайхть Октябрьский революцияц XXIII-це годовщинац васьфтема. Сянь октябрьский вечерти аноклайхть разнай номерхт.

Комсомолецне рабочайхненъ йоткса аккуратна йотафнихть беседат. Мекольденъ беседатнень эса сянь азондозь рабочайхненди Государствать Трудовой Резервзон колга СССР-нь Верховнай Советъ Президиумонц Указонц и Ремесленной, Железнодорожной училищатненди и Фабрично-Заводской Обучениянь школатненди призывть колга правительствать постановлениянь.

Сембе нят сатыксне ашихть одс кочкаф комитетть работанцы результатокс. Што комитетти одс кочкаф ялгатне оцю мялса оправдандакшнесазь комсомолецнень доверияснон. Лашминский спиртозаводонъ комсомолецне честь мархта пяхкотькшнесазь партийнай организацияц боевой помощниконъ рольснон.

КОЗЛЯТНИКОВ,
Лашминский спиртозаводонъ комсомольский организацияц секретарец.

Ковылкинский район.

Тюрихть отличнай знанияцнень инкса

Од Выселка велень средний школанъ ученикне пях настойчивыйста тюрихть отличнай знанияцнень инкса. Тяса улихть аф кржа ученикт, кода Мурзаевась, Учамбринась, Рогачевсь, Голясовась и илятне, конат тонафнихть аныцек отличнайста.

Ученикненди прочнай знаниянь максомса тевса цебарь кепотькст няфни школанъ преподавательсь Макулов ялгась. Сон урокненди

фалу сашенды аноклафста; урокнень эса лекцияцнень моравнесыне полнайста и пях шарьхкоде-виста.

—Минь,—корхтайхть школанъ ученикне,—детворати тяшка заботать инкса астама оцю спасибо эсь родной альянконди—Сталин ялгати!

Лобырев.

3-Полянень район.

ТРАКТОРИСТТНЕНЪ САТФКССНА

Торбеева, Торбеевский машино-тракторнай станциянь тракторист-тне, ушедомок хозяйственной работатнень, эсь инголест путнестъ почетнай задача—1940 кизоня тракторнай работатнень пяхкодемс срока инголе.

Трактористонъ дружной коллективсь эсь лавгозонза саяфобязательстватнень пяхкодемаснон инкса тюрсь пях оцю вийса, большевикокс, конанъ вельде МТС-сь тракторнай работатнень коряс киза кувалмонъ планть октябрь 10-це шинцы пяхкодезе 115 процентс.

Кода правила, сокамаса, виде-маса тракторнай иля работаса, комсомолецне няфнестъ и тянинге няфнихть социалистический трудонъ образецт.

Тяфтамкс, например, лувондови трактористъ-комсомолецъ И. И. Трушин ялгась, конац „СТЗ“ тракторса сокаманъ планонц пяхкодезе 151 процентс и ванфтсь 296 килограммат горючай.

Работанъ образецт няфни и комсомолецъ А. Прохин ялгаське. Сон „СТЗ-НАТИ“ тракторса тя кизоня сокась ни 548 гектар, илякс мярьгомс, Прохин ялгась социалистический обязательстванзон пяхкодезень ни 160 процентс.

Планонц успешнайста пяхкодемаса аф калдыв результатт сатсь и од трактористъ-комсомолецъ И. Г. Осин ялгась, конац работанзон тракторса пяхкодезень 141 процентс.

Тяса улихть аф кржа од ломатть, конат комсомолецнень лацажа работакшнихть стахановедекс. Например, аф союзнай од ломанъ Лапшин ялгась „У-2“ тракторса шинь норматнень фалу пяхкотькшнесыне вельф. Сон тракторнай работанъ планонц пяхкодезе ни 154 процентс. Лапшин ялгась октябрь 1-це шинцы ванфтсь 506 килограммат горючай.

МТС-нь трактористтне эсь инголест ащи задачатнень успешнайста пяхкодемаснон инкса тяни тюрхить нинге сядонга оцю вийса, штоба победоноснай датать—Октябрьский Социалистический революцияц XXIII-це годовщинац ознаменовандамс достойнай подаркаса.

Дм. Родин.

Колхозсь праздникти

Акшу велень „Од—эряф“ колхозонъ колхозникне Октябрьский революцияц XXIII-це годовщинац васьфтьсазь достойнайста, сянь великай датать честьс аделазь сембе хозяйственной работаснон.

Колхозсь райононъ колхознень эзда васенцесь пяхкодезе государствав съоронъ максомса обязательстванц. Тяни колхозсь пях успешнайста работай государствав мушконъ и иля технический культуранъ обязательстванзон пяхкодемаса.

Колхозсь саясь обязательства, штоба Октябрьский революцияц XXIII-це годовщинацты полнайста пяхкодемс государственнай сембе обязательстватнень.

Л. Храмов.

Сире-Шайгованъ район.

Атерень средний школать стенгазетанц афсатыксонза

Вейхса сятта лама од стирня и цюраня тонафни Атерень средний школать эса. Нят жизнерадостный од ломаттень коммунистический воспитаниясост, класса занятия башка, пяк оцю значения и роль кирди стенной газетасы. Ванцаск, кода лисенди и нолявitysа стенгазетасы.

Планц коря газетасы должен лисендемс недляти весть. Но фактически сон лисенди анычек ковти весть. Эсонза материалхне ламода аф удовлетворяндакшнесазь ученикнень запроссон. Синь сьорматфт скучнай, аф литературнай кяльса и аф грамотнайста.

Странна, коста сявось Атерень школань руководителхне стама установкатнень, штоба аф кочксемс общешкольной газетати редколлегия и нолямс сонь ответственной редакторфтома?

Школаса сембе класснень эзга кочкафт стенгазетань редколлегият, но класснай стенгазетат тячимс аф лисендихть, а синь поласполас ноляйхть тя общешкольной газетаты эса.

Школань комсомольский организацияти эряви машфтомс нят аф сатыкснень и ладямс стенгазетаты работанц.

К. Черакшев.

Атюрьевский район.

Секретарь-белоручка

Тяфта лемнесазь Арга велень колхозникне комсомольский организациять секретаренц Горский ялгаты. Виде, Горский ялгасы собрания корхтай ударнайста работамать колга, а сонць работать эзда кяшенди. Кафкса ковти колхозса тись анычек 60 трудоши, а рядовой комсомолецне тяка-жа пингть тийсть 170—200 трудоши.

Горский ялгаты колхозникне кочказь ревизионнай комиссия предсателькс, но тясонга сон мезьнятка аф тиенди. Сянь вастс, штоба эрь кварталня тиендемс колхозти ревизия, Горский динга 1939 кизонкса аф кунара анычек тийсь ревизия.

ВЛКСМ-нь Атюрьевский райкомти эряви кармафтомс тяфтама белоручкаты трудть кельгома.

Ив. Попов.

Колхозу птицеферма

Сельскохозяйственной продуктань анокламань и рамамань политика изменениятнень, сельскохозяйственной продукциянь обязательной поставкаты, сяка лувксса и алонь анокламань исчислениясон колга партиять и правительствать постановлениясна кирди оцю значения колхозникнень зажиточностьсон касфтоманц эса.

Пяшкотькшнемок тя постановлениать, Торбеевань районца лама колхозга пуроптфт ни животноводческий фермат. Мокша Ювнянь

колхознень эса улихть возможность пуроптомс аф анычек животноводческой, но и птицеводческой ферматка. Обсуждаандамок водоемонь тиёмать колга Таловский районь колхозникнень обращениясон, „КИМ“ и „XVIII-це партс'езд“ колхозонь колхозникне арьсесть пуроптомс колхозу птицефермат, но тяда меле йотась ни 3 кожда лама пинге, а птицефермат тячимс аш.

Г. Немов.

Эреклафтомс военно-физкультурнай работаты

ВЛКСМ-нь ЦК-ть XI-це пленумоц обязал марнек комсомолть улемс мобилизационнай готовностьса, виемс систематический обороннай и физкультурнай работа сянь коряс, штоба эрь комсомолец содалхцень первоначальной комплексной военной знаниятнень.

Эряви азомс, што башка районга тя тевсь ащи ковга аф кондиста. Вов, например, Атяшев районца, коса ВЛКСМ-нь райкомть видеса военно-физкультурнай комиссиять председателец Калинин ялгасы, тя пингс нинге ашезь йотафта кодамовок мероприятия.

Атяшев район райСФК-са и Осоавиахимонь райсоветса ули лама спортивной инвентарь, но синь йоряфт ков повсь и кивок аф канды синь инкост ответственность.

ВЛКСМ-нь ЦК-сь примась нят шитнень пингста специальнай решения сянь колга, штоба Октябрьский революция XXIII-це годовщинацты марнек комсомольский активсь должен сдать комплекснай норматнень I-це ступенень ГТО значоконди. Но Атяшев районнай комсомольский активсь тяфта жа мезевок аф тиенди.

М. Костин.



СНИМКАСА: Саранск ошень пионеронь кудть стирнянь—пионеркань гимнастический группазь занимадай кольца вельде упражнянися. Фотось А. Канифатьевть.

Англо-германский войнась

Германский армиянь верховнай командованиять сводкаса пачфнев, што легкой бомбардировщиконь соединениятне октябрь 20-цешистонза мольфтезь эсь налетсон Лондонть и Южная и Центральная Англиянь иля ошнень лангс. Успешнай бомбардировкати таргафтольхть докне, портовой сооружениатне и снабжениянь важнейшей базатне. Октябрь 21-це шинц карша веть тяжёлай бомбардировщиконь соединениятне вишкотежь атакасон английский столицаты каршес, и йордасть разнай калибрань лама бомба. Темза ляйть кафцке берягонзон эзга тиевсть лама пожархт. Германский самолетне тяфтажа бомбардировандазь военной завогтнень, конат ащихть Центральная Англияса.

Германский информационный бюрось пачфни, што октябрь 21-це шинц карша веть английский бомбардировщикне тийсть налет Берлинть лангс. Зажигательнай бомбатне ульсь йордафт жилой кварталхненди.

„Нью-Йорк таймс“ американский газетаты корреспондентоц азонкшнесы, што тияни немецнень тактикасна, очевидна, ащи сянь эса, штоба тиендемс сяда оцю ущерб веть, мзярда германский авиациясь кирди кржа имафкст. Однако, германский авиациянь и шинь налетневок, отмечендакшнесы корреспонденть, нарушандакшнесазь английский военной промышленности нормальная работанц.

Английский авиациянь министерствать сообщенияса корхтати, што октябрь 21-це шинц карша веть английский авиациять операциянза фатязь районть, конац келемкшни Берлинть эзда сявомок Севернай Италияти модемс. Бомбардировкати таргавсть военной объекти, кода Севернай Италияса, тяфта и Германиять лама пунктозон эсовок. Тяда башка, английский бомбардировщикне тийсть налет Ла-Манш побережьять портозон лангс. Рейтер агентствасы пачфни, што французский побережьять бомбардировкац ульсь сяшкава вю, што бомбатнень сязендемасон эзда шумсь кулевсь мянь Англиять побережьязонза.

(ТАСС).

Религиять каршес наукасть тюремац

Американский рабочайнь I-це делегациять мархта знаменитай беседасонза Сталин ялгасы азозе: „...Религиознай предрассудкатне молихть наукасть каршес, ибо всякая религиясь ащи йофси противоположнайкс наукасти“.

Религиясь и наукась несовместимайхть. Нят полюст. Васенцесь основаннай шава, мезьсонга апакемокстак фантазияса, схоластикасть и васькафнемать лангса. Омбоцесь основандаф фактнень лангса, эрэфонь явлениятнень лангса, сянь лангса, мезе минь нияхтияма и эрь шиня марьсетама. Подлиннай культурань и наукась коданга аф согласиндакшнихть церковнай мракобесиять мархта.

Религиясь фалу служендась эксплуататорский классненьди ломанень порабощениянь средствакс. Религиять и сонь служителизон вельде помещикне и капиталистне тиендсть страх трудящиххенди, эвфнезь „страшной суда“ и тернезь смиренияти. Религиять социальной коряненза пяк тснаста

сюлмафт ломанть мархта, ломанень эксплуатациять мархта, рабствать и кабаласть мархта. Буржуазнай общественной стройсь религиясь мушендсы эсь кеме сподвижниковц.

„Сембе современной религиятне и церкафне—сьорматсь В. И. Ленин,—сембе и всякая религиянь организациятнень марксизмась вандондсыне фалу, кода буржуазнай реакциянь оргатт, конат служайхть эксплуатациять араламанцты, рабочей классь одурманиваниянцты“ (т. XIV, стр. 68).

Историясь кунара доказал, што религиять мархта наукасть лама схватканзон эса победителькс фкакс иляткшнесь наукась. Наукась мзярдонга прят ашезь макссе религияти, сяка пингова церкавсь и духовенствасы сядоксть пасовандасть наукасть инголе.

1500-це кизоня генеральной астрономось Николай Коперниксь нинге васенцеда азсь мысля, што аф шись и планетатне шарондыхть модаты перьф, а, меклангт, мо-

дась планетатнень мархта марса шарондыхть шить перьфке.

Тя мыслясь тись кеме удар ся пингонь религияти. Вдь церкавсь тонафтсь, што модась, шкайть мархта кельгф вселеннайнь пялькссь, ащи минь планетнай системань конь центраса.

Коперникть лангс церкавть ширде тиендесь суровой нападения и мянць кэзнендамда анычек сяс, што сонь трудоц, кона азонды модаты и вселеннайть колга, лиссь светс великай ученайть кулома шистонза.

Поповщинань злодеяниянь аф азомшка кувака спискаса фкия инь яркай фактокс ащи Джордано Бруноть — гениальной философть, церкавть каршес революционной борецть плхтамац.

Интереснай и пяк поучительнай Бруноть, тя „духонь и характеронь ученостень гигантть“ эрэфоц, кода корхтась сонь колганза Фридрих Энгельс. Йофси однякс Бруно ульсь максф монастыри, коса сон мог лифтемс лангу религиять сембе наксада шинц и фальшенц. Шкай-ти покорнайста служамать вастс,

сон салава кармасть проповедывать атеизмать. 28 кизоса Бруно воргдсь монастырьста и ушедсь математикать, философиять и астрономиять тонафнемост. Фкиякнянь мельге появакшность сонь книганза, конатнень эса азондовсь религиять мархта наукасть несовместимостец и мирть сотворениянц колга библейский „учениять“ рахсемац.

Властнень и церкавть мархта преследуемась, Джордано Брунось якай (кочует) Италиява, Германиява, Франциява и Англиява. 1592-це кизонь майть 23-це шинц карша веть сон ульсь Венецияса кундаф и озафтф тюрьмав.

Питай сисем кизот ашес Бруно тюрьмасы и тарксесь зверский пыткас. Сонь кядьстонза вешть, штоба сон публична атказаль эсь „еретический положениязон“ эзда. Тейнза азсь дикий обвиненият колдовствать и дьяволть араламанц колга.

(Полатксоц моли).

Ответ. редакторть иниса М. САЙГИН.